

Te tua e tae rava mai ki teianei...

I roto i te mataiti 2018 e te mataiti 2019, kua rave matou i tetai au 'uipa'anga no te 'uri'uri'anga manako, no runga i te au mea e anoano'ia nei, e te au akakoro'anga o te au oire tangata no te Moana nui o Kiva i Aotearoa.

E rima neke'anga puapinga, e kua ono mai tetai 'ākara'anga ma'ata no runga i te tūkatau o te Moana nui o Kiva, mei roto mai i teia au 'uipa'anga.

Ko teia au turanga akakoro'anga e te au mānakonako'anga no te tūkatau, te rota'i'anga o te Parāni e 10 mataiti e akakoro'ia nei.


Na te tā'anga'anga'anga i teia au neke'anga e turu katoa atu i te 'ākara'anga ma'ata i te 'ōrama 30 mataiti no te turanga 'āpi'i e te au akakoro'anga mama'ata.

Teia te akapapa'anga poto o te Parāni e Akakoro'ia nei - no te 'ākara atu i te katoa'anga o te Parāni, 'ākara ki konei conversation.education.govt.nz/action-plan-for-pacific-education/



No runga i te au apinga puapinga tei 'ō'ora'ia mai e te au oire tangata no te Moana nui o Kiva, teia i reira te 'ōrama no te turanga 'āpi'i o te Moana nui o Kiva:

"Diverse Pacific learners and their families are safe, valued and equipped to achieve their education aspirations"



"A child will feel safe if they are wrapped in their culture"

Tokelau adult,
Hutt Valley, 2019



Kua akakite mai te au oire tangata o te Moana nui o Kiva i te au neke'anga e rima, e anoano nei ratou kia kite:



Kia anga'anga kapiti atu ki te au oire tangata no te Moana nui o Kiva i te 'ākara'anga atu i te au anoano'anga, kare i 'ākara'ia ake, ka na mua ra i te akapāpū'anga atu i te kaveinga no te au mea e anoano'ia nei no te manamanatā ta te COVID-19 i akatupu.



Tamaki'ia te akokino'anga iti tangata i roto i te au tu akateretere'anga e te akokino'anga i roto i te turanga 'āpi'i.



Araruu'ia te aronga anga'anga i roto i tetai ua atu turanga 'āpi'i, kia rapu ia ratou, kia kite i te au peu e te au ravenga no te 'āpi'i'anga atu i te au tauira no te Moana nui o Kiva.



Anga'anga kapiti atu ki te au kopu tangata i te akapapa'anga i te au irinaki'anga no te turanga 'āpi'i, ma te turu atu i te au moemoeā'anga no te tāmou'anga 'āpi'i, e te anga'anga moni.



Akatupu'ia ma te akangāteitei atu i te au pu'āpi'i meitaki rava atu, e te au arataki, e totu no te Moana nui o Kiva to ratou.

Key Shift 1:

Kia anga'anga kapiti atu ki te au oire tangata o te Moana nui o Kiva i te 'ākara'anga atu i te anoano'anga, kare i 'ākara'ia ake, ka na mua ra i te akapāpū'anga atu i te kaveinga no te au mea e anoano'ia nei no te manamanatā ta te COVID-19 i akatupu.

Te rave nei te Māraurau e te au pātana no te turanga 'āpi'i i te

» Akama'ata atu i te Food in Schools, kia rauka i te 'ōronga atu i te kai tutaki-kore no te tuaero, ki te tamariki e te māpū tamariki.

Ka rauka i te au kopu tangata e te au oire tangata i te

» Tā'anga'anga i te akapapa'anga a te Parāni e Akakoro'ia nei (i roto i te katoa'anga o te Parāni e Akakoro'ia nei) ei turu i ta'au pure, kopu tangata, me kore ra, pupu oire, ei akatupu i ta'au 'uā'orāi, parāni no te Turanga 'āpi'i.




Kōrero Mātauranga

Me kōrero tātou

Parāni no te Turanga 'Āpi'i o te Moana nui o Kiva e Akakoro'ia nei no te mataiti 2020–2030

Te reo Māori Kūki 'Āirani



Key Shift 2:

 Tamaki'ia te akokino'anga iti tangata i roto i te au tu akateretere'anga e te akokino'anga i roto i te turanga 'āpi'i.

Te rave nei te Māraurau e te au pātana no te turanga 'āpi'i i te

» Tuku atu i te Give Nothing to Racism project.

» Akapāpū'anga i te kaveinga no te tamou'anga 'āpi'i, e te akatupu'anga i te au pu'āpi'i no runga i te kite i te au peu, te ko'uko'u'anga mai, e te kimikimi'anga manako.

Ka rauka i te au kopu tangata e te au oire tangata i te

» Uī atu ki ta'au turanga 'āpi'i punanga, 'āpi'i, me kore ra, putuputu'anga, no runga i ta ratou au akaue'anga e ta ratou au ravenga no runga i te tū akokino iti tangata, akokino'anga, ko'uko'u'anga mai e te aka'aitoa. Me te meitaki ra koe, tua mai i ta'au i kite.

"Graduating with your values intact, with your culture still intact, helps with feeling safe."

Youth, Christchurch fono,
2019

Key Shift 3:



Aruaru'ia te aronga anga'anga i roto i tetai ua atu turanga 'āpi'i, kia rapu ia ratou, kia kite i te au peu e te au ravenga no te 'āpi'i'anga atu i te au tauira tūkētūkē no te Moana nui o Kiva.

Te rave nei te Māraurau e te au pātana no te turanga 'āpi'i i te

» Akama'ata'anga atu i te Tautai o le Moana - e 'āpi'i'anga taokotai no te au arataki no te au pu'āpi'i ma'ata, e ma'ata ta ratou tauira no te Moana nui o Kiva.

» 'Ōronga'anga i tetai atu tāmou'anga 'āpi'i e te akatupu'anga no te au pu'āpi'i, kia tā'anga'anga i te Tapasā: e akapapa'anga no te kite i te au peu no te au pu'āpi'i o te au tauira no te Moana nui o Kiva.

Ka rauka i te au kopu tangata e te au oire tangata i te

» Uī atu ki ta'au turanga 'āpi'i punanga, me kore ra, 'āpi'i, me te tā'anga'anga ra ratou i te Tapasā.

Key Shift 4:



Anga'anga kapiti atu ki te au kopu tangata i te akapapa'anga i te au irinaki'anga no te turanga 'āpi'i, ma te turu atu i te au moemoeā'anga no te tāmou'anga 'āpi'i e te anga'anga moni.

Te rave nei te Māraurau e te au pātana no te turanga 'āpi'i i te

» Tuku'anga atu i te porokarāmu Talanoa Ako tei akamātūtū'ia [Pacific PowerUP] ei turu i te au kopu tangata.

» Te Moni ki te au putuputu'anga no te Moana nui o Kiva i roto i te oire, e te au pupu ei tauturu atu i te turanga 'āpi'i, e te ora'anga o te au kopu tangata no te Moana nui o Kiva, no te manamanatā a te COVID-19, e, ei turu i te au kopu tangata no to ratou piri'anga atu ki te au turanga 'āpi'i.

Ka rauka i te au kopu tangata e te au oire tangata i te

» Kiriti mai i te app a te Talanoa Ako.

Key Shift 5:



Akatupu'ia, tāpū'ia mai, ma te akangāteitei atu i te au pu'āpi'i meitaki rava atu, e te au arataki, e totu no te Moana nui o Kiva to ratou.

Te rave nei te Māraurau e te au pātana no te turanga 'āpi'i i te

» 'Ōronga'anga atu i te tāmou'anga 'āpi'i teitei, e te arataki'anga, tei akatano'ia no te au turanga 'āpi'i punanga, no te Moana nui o Kiva.

» Akapāpū'anga kia kite te katoatoa i te au tauī'anga i roto i tei anoano'ia no te reo Papa'a a te Teaching Council.

Ka rauka i te au kopu tangata e te au oire tangata i te

» Akaāri i te māpū tamariki, e tetai atu e kimi ra i te tauī i to ratou turanga anga'anga, te au scholarships e 'ōronga'ia nei mei ta, Kupe, Teach NZ e te Ako Mātātupu me ka inangaro ratou i te turanga anga'anga pu'āpi'i.



Kia kitena'ia teia au tauī'anga, te papa'u nei te Māraurau i te tauī'anga i ta ratou anga'anga, na roto i te:

Akatupu'anga i te anga'anga taokotai'anga

Te turu nei e te akapuapinga nei matou i te anga'anga kapiti'anga mutukore e te rave'anga i te au mea te ka tupu. Te akapāpū nei matou e, ka akatano e, ka pa'u atu matou i te anoano'anga a te au oire tangata no te Moana nui o Kiva.

Akangāteitei'anga i te au mea tūkētūkē o te Moana nui o Kiva

Kua tanu'ia ta matou anga'anga ki raro ake i te mārama'anga e, e ra'ira'i ua atu te tūkētūkē o te au oire tangata no te Moana nui o Kiva, e te anoano nei matou i te 'ākara atu i taua tūkē'anga.



Papa'u'anga no te tautā'anga motukore

Te ko'u nei, e te turu nei matou i te ravenga no te tauī'anga, na roto i tetai tuātau roa, kia rava te tuātau kia tupu te tauī'anga.

Anga'anga'anga taokotai

Ka rave matou i te au irinaki'anga, kia anga'anga taokotai ki tetai atu au turanga (to roto i te turanga 'āpi'i, e tetai atu) ei akapāpū i ta matou turu'anga kia akatinamou'ia na mua ki runga i te au mea e anga'anga ana no te au kopu tangata.



Ea'a te ka Āru mai

» Ka akamata'ia te Parāni e Akakoro'ia nei, i te mataitī 2021, kia rava te tuātau no te au turanga 'āpi'i kia teateamamao.

» Uī atu ki te au turanga 'āpi'i punanga, 'āpi'i e te 'āpi'i tuatoru no runga i ta ratou e rave nei no te Parāni e Akakoro'ia nei.

» Tā'anga'anga'ia te akapapa'anga i runga i te kapi 44 o te katoa'anga o te Parāni e Akakoro'ia nei, ei ma'anī i tetai parāni na to'ou kopu tangata, me kore ra, oire tangata no te Turanga 'Āpi'i no te Moana nui o Kiva.

» Ka akakite atu matou i te meitaki o te Parāni e Akakoro'ia nei i rauka i te au mataitī tātakitai.

